



Broj: 02-04-3-4609-1/24  
Goražde, 18.02.2025.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku javne nabavke – otvoreni postupak, **Nabavka radova na sanaciji dva klizišta u Gradu Goražde**, Gradonačelnik Grada Goražda donosi:

## **ODLUKU**

### **o izboru najpovoljnijeg ponuđača za lot 1 - Nabavka radova na sanaciji klizišta u naselju Rešetnica**

#### **I**

Prihvata se preporuka Komisije za provođenje postupka javne nabavke za izvođenje radova – Nabavka radova na sanaciji dva klizišta u Gradu Goražde, te se ugovor o ustupanju radova za lot 1 – Nabavka radova na sanaciji klizišta u naselju Rešetnica, dodjeljuje ponuđaču „**Goraždeputevi**” d.o.o. Goražde, čija cijena nakon održane e-aukcije iznosi **102.300,00 KM bez uračunatog PDV-a**.

#### **II**

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke.

#### **III**

Nakon pravosnažnosti ove Odluke, po isteku roka od 15 dana od datuma obavještenja ponuđača, Grad Goražde će istog pozvati radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 (sedam) dana od dana zaprimanja obavještenja o rezultatima postupka dostaviti Ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45., dokaz o ispunjavanju uslova iz člana 47. Zakona o javnim nabavkama, kao i original ili ovjerenu fotokopiju važeće licence o pravu obavljanja predmetnih radova izdatu od strane Ministarstva nadležnog za poslove građenja BPK-a Goražde ili Ministarstva prostornog uređenja Federacije BiH.

Ukoliko izabrani ponuđač ne postupi u skladu sa ovom obavezom ugovorni organ će ponuditi zaključenje ugovora drugorangiranom ponuđaču.

## **O b r a z l o ž e n j e**

Gradonačelnik Grada Goražda je dana 31.12.2024. godine donio Posebnu odluku o pokretanju postupka javne nabavke - Nabavka radova na sanaciji dva klizišta u Gradu Goraždu broj 02-04-3-3334-30/24, putem otvorenog postupka.

Predmetna nabavka je podjeljena na sljedeće lot-ove:

Lot 1- Nabavka radova na sanaciji klizišta u naselju rešetnica;

Lot 2 - Nabavka radova na sanaciji klizišta u naselju Obarak, ul. Jaska Islamovića br.21.

Na osnovu navedene Odluke, dana 31.12.2024. godine, na portalu javnih nabavki objavljeno je Obavještenje o javnoj nabavci broj 413-1-3-100-3-114/24, dok je Sažetak navedenog Obavještenja o nabavci objavljen u „Službenom glasniku BIH” broj 1/25.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisniku sa otvaranja ponuda od 23.01.2025. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-04-3-4609/24 od 03.01.2025. godine sačinila je Zapisnik o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za izvođenje radova – Nabavka radova na sanaciji klizišta u naselju Rešetnica (Lot 1) dostavljene ponuda od strane ponuđača „Goraždeputevi“ d.o.o. Goražde i „Sela“ d.o.o. Sarajevo;
- da dostavljene ponude ponuđača „Goraždeputevi“ d.o.o. Goražde i „Sela“ d.o.o. Sarajevo ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom;
- da je dana 11.02.2025. godine održana e-aukcija, te da je nakon održane e-aukcije ponuda ponuđača „Goraždeputevi“ d.o.o. Goražde, prvorangirana na konačnoj rang listi ponuđača koji su učestvovali u e-aukciji;
- da je ponuda ponuđača „Goraždeputevi“ d.o.o. Goražde sa cijenom ponude u iznosu od 102.300,00 KM bez uračunatog PDV-a, nakon održane e-aukcije, prema kriteriju „najniža cijena“ ocjenjena kao najpovoljnija za ugovorni organ.

Komisija za provođenje postupka javne nabavke za izvođenje radova na sanaciji dva klizišta u Gradu Goražde, predložila je Gradonačelniku Grada Goražda za lot 1 – Nabavka radova na sanaciji klizišta u naselju Rešetnica, donošenje Odluke o prihvatanju ponude ponuđača „Goraždeputevi“ d.o.o. Goražde, budući da je ponuda navedenog ponuđača na osnovu provedene procedure, ocjenjena kao najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom, uz dokaz o plaćenju naknadi za pokretanje žalbenog postupka.

**PO OVLAŠTENJU GRADONAČELNIKA**

**MUAMER KRAŠIĆ**

**DOSTAVITI:**

1. PonuđačIMA
2. Web stranica Ugovornog organa
3. u spis
4. a/a

